

فيروس الفلانتين .. " من يستحق الحب ؟ " .. #الطريق_إلى_الله ..

د . حازم شومان

حازم شومان

السلام عليكم ورحمة الله وبركاته. الحمد لله وكفى الحمد لله وكفى. صلاة وسلاما على عباده الذين اصطفى اللهم لك الحمد كله ولك الملك كله وبيدك الخير كله واليك يرجع الامر كله. لبيك وسعديك والخير كله في يديك - [00:00:00](#)

الشر ليس اليك. انا بك واليك. تباركت وتعاليت. استغفرك واتوب اليك. اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد. اللهم بارك على محمد وعلى آل محمد كما باركت على ابراهيم وعلى آل ابراهيم انك - [00:00:20](#)

حميد مجيد ثم اما بعد. بعد ايام يا جماعة بعد ايام قليلة جدا بازن الله يحصل حدس خطير جدا في عالم الشباب. حدس مهم جدا بالنسبة لكثير جدا من الشباب مهم قد يكون اهم من ماتش الاهلي اللي كان موجود الليلة. والناس متابعا في كل الاماكن. حدس عيد الفالنتين العالمي. عيد الحب العالمي - [00:00:40](#)

بعد ايام يا جماعة الدنيا كلها تحمر. الكرة الارضية تهتمر. هنبقى احمر كوكب في العالم كله في الكون كله. بعد ايام كل حاجة لونها احمر هتغلى. الدباديب الحمرا هتغلى. الشمع الاحمر هتغلى. الاقلام الحمرا هتغلى. الا حاجة واحدة بس لونها احمر هترخص. دم المسلم هو اللي هيرخص. بعد ايام بنتيجة المعاصي - [00:01:00](#)

اللي المسلمين هيعملوها. وشباب المسلمين هيعملوها. بعد ايام فيروس خطير جدا هيكسح جسد الامة. فيروس ايه ؟ فيروس الايدز اخطر. الايدز اخطر من الايدز اخطر من الايبولا اللي بتسيح الجسد البشري. اخطر من الكوليرا اللي موتت نص اوروبا. فلما اجتاحتها من من مئات السنين اخطر فيروس ايه ؟ فيروس الفلانتين - [00:01:20](#)

يا جماعة انا جاي الليلة احزر كل شاب وفتاة من فيروس في غاية الخطورة جاي يكتسح قلوب شباب الامة وجاي يدمر علاقتنا بربنا سبحانه وتعالى. فيروس فلانتين اللي لازم نواجهه. الغرب بيتربع من فيروس الايدز من فيروس ابولا. ويصرف مليارات عشانهم. انما احنا فيروسات الدين هي اللي بتحفزنا ان احنا - [00:01:40](#)

ونجاهد عشان نحاربها يا اخواني. من ايام كانت لسة غزة الف وتلتميت شهيد. دمهم لسة ما بردش تحت التراب. لما الواحد ببشوف المنازل اللي في غزة لغاية دلوقتي ان انا اعمل ورقة اوزعها في كل مكان. اجيب صورة الطفل اللي طلعه من تحت الانقاض متفحم حطة فحمة. ما عادش بني ادم فحمة بني ادم فحمة. لغاية - [00:02:00](#)

ان لحم رجله اتحرق تماما وسقط. وعاد عضم رجله الابيض باين. والباقي الجسم حطة فحمة. طلعه واجيب جنبها صورة ولد وبنت قابل على الكورنيش واقول ده بسبب ده. اجيب صورة البنت اللي والله ما قدرت ان انا اكمل الفرجة على المنزر بتاعها لنهاية الفيلم بتاعها. البنت - [00:02:20](#)

اللي اليهود ضربوا جميع اسرتها وكلهم جسس متقطعة مرمية ومنظر عربيات الاسعاف جاية قاعدة تشيل في الجسس وهي الوحيدة اللي عاشت في العيلة. كعادة اليهود دايمًا يقتلوا كل العيلة طفلة صغيرة. حتى الاطفال الزكور ما يطلعوش رجالة. طفلة صغيرة اللي دايمًا يسيبونها في كل عيلة. والبنت تجري. قاعدة بتجري منزرها رهيب. منزر الالم اللي على وشها. منزر - [00:02:40](#)

مش ممكن قلب طفل في السن ده يحتمله. وهي بتصرخ وبتتمرغ في التراب جنب جسة ابوها. بتقول ابويا اخواتي منزر رهيب يا جماعة. اجيب المنزر واجيب جنبه الشباب في الجامعة او في النادي ليلة الفلانتين او يوم الفلانتين السعيد وهم بيحتفلوا بهابي

فلانتين دي واكتب ده بسبب دول - 00:03:00

اللي بيحصل ده بسببنا احنا يا جماعة عايزين نفوق يا جماعة. انا بكلم مين الليلة. انا بكلم كل شاب وفتاة في علاقة حب سعيدة جدا.

بكلم كل شاب مستني الفلانتين - 00:03:20

بعد اسبوع عشان يجيب هدية اي هدية لونها احمر. ويقدمها لحبيبته في هذا اليوم العظيم المقدس. اللي بيتعبدوا بشعائر الحب فيه. بكلم كل واحد نفسه في علاقة حب كل باحسة عن الحب. وكل باحس عن الحب باكلم كل واحد كل واحد في علاقة حبه مستني هزه

الايام بفارغ الصبر. باكلهم جميعا وباقول لهم - 00:03:30

عايزين نفوق يا جماعة. انت تخيل ان محمد ابن عبدالله عليه الصلاة والسلام واقف قدامك. واليهود والنصارى واقفين قدامك. كل ما هتدخل في الفلانتين اكثر اليهود والنصارى يفرحوا احزن قلب النبي. كل ما هتدخل وتشارك في الفلانتين اكثر. اليهود والنصارى

يفرحوا فينا. والنبي عليه الصلاة والسلام دموعه تنزل من عينيه. انت عايز تحزن قلب النبي وتفرح - 00:03:50

اليهود والنصارى ولا عايز تفرح قلب النبي عليه الصلاة والسلام؟ يا جماعة دلوقتي محمد احمد ابراهيم هيعمل فرحه وجورج ميخائيل مش عارف ايه هيعمل فرحه تخيلوا ده هيلبس نفس اللبس اللي هيلبسه ده وهيجيب فستان لمراته من نفس الاتيليه اللي هيجيبها ده. وهيقعد مراته في كوشة قدام الناس زي ده وهيجز قاعة في النادي. اللي - 00:04:10

فيه ده هو وهيجيب المعازيم رجالة وستات مختلطين زي ده. وهيجيب فرقة ومعازف ومغنيات وراقصات زي ده. وهيجيب زفة ومعازف واختلاط برة نادي زي ده لو انت دعيت لفرح محمد هتروح ما انتش عارف فرح محمد من فرح جورج ما انتاش عارف. ما

عدناش عارفين فاطمة من ماري يا جماعة. ان فاطمة لابسة نفس لبس ماري - 00:04:30

وبتسمع نفس الاغاني اللي بتسمعها وبتحب نفس المغنيين اللي بتحبهم. وبتابع نفس القنوات اللي بتابعها. لحد امتي هنفضل في واقع الكذب اللي احنا فيه؟ سبتاشر مرة في اليوم ده اللي - 00:04:50

صل بيقول اهدنا الصراط المستقيم. اهدنا انت صادق زي واحد يقول لي هات لي كوباية مية. اروح اجيب له كوباية مية. لأ مش

شارب. معلش كمان كوباية مية اصل انا عطشان. اروح اجيب - 00:05:00

وكوباية مية يرميها ويدلقها. معلش كوباية مية اصل انا هموت من العطش اروح اجيب له كوباية مية مش عايز حاجة منك. هاعمل فيه ايه؟ هيبقى نفسيتي ناحيته ايه؟ انت كل شوية يا رب - 00:05:10

اهديني يا رب اهدنا الصراط المستقيم. قربني منك يا رب. طب خد دروس دينية. مش حاضر. طب خد شرايط دينية مش سامع. طب خد مواقع انت اسلامية لا لا لا انا عايز المواقع الثانية - 00:05:20

طب خد قنوات دينية عايز انت عايز ايه؟ يعني احنا بنكذب على ربنا في الصلاة؟ بنكذب على الملك سبحانه وتعالى. انا بكلم مين؟ بكلم كل واحد معني ومهتم العالمي وبيقول هابي فلانتين وماري فالتناين لا هابي فلانتين ولا ماري فلانتين يا جماعة. انت لازم

تسمعي. انت لازم تسمعي - 00:05:30

انت لازم تركز معي. احنا في موقف خطير. احنا دلوقتي مش واقفين بين ايدين مدير في الشغل. ممكن يدفنك او او يدك آآ او يدك علاوة. انت مش واقفة قدام دكتور جامعة ممكن - 00:05:48

او يسقطك. احنا بين ايدين ربنا. اللي يملك مصيرك ومصيرك ومستقبلك. ويملك دينك ودينيتك واخرتك. احنا يا جماعة افقار الجنة ونار يا جماعة. الموضوع في غاية الخطورة نار هو القنابل النووية لو قالوا الوقتي مدينة الانتاج الاعلامي هتتضرب بالقاهرة النووية،

نعمل ايه؟ تخيلوا الفرع اللي هبقى فيه ايه؟ هو القنابل النووية اشد من - 00:05:58

هو الاسلحة الكيماوية اشد من المهل. هو القنابل الارضية كلها. اشد من الزقوم يا جماعة. نار نار يا جنة. تخيلوا لما ربنا بيقول يومئذ يوم القيامة. يا ترى يا جماعة احنا الوقتي ملمومين جامعة اهو كلنا بنسمع وكلنا بنتفرج وكلنا مع بعض. يا ترى يوم القيامة يا ترى مين

اللي هيعدي من على الصراط ومين اللي - 00:06:18

تسللوا ويسقط في النار مننا. يا ترى مين اللي اول ليلة في القبر هيجابو على اسئلة الملكين ومين اللي مش هيقدر يجاوب. وقلبه

مش هيقدر يجاوب منا. يا ترى مين اللي لما يقف على - 00:06:38

هيدي له كتابه بيمينه. ومين اللي هياخد كتابه بشماله منا؟ يا ترى يا جماعة مين اللي هيقف على باب الجنة يفتح له ابوابها

التمانية؟ ومين اللي هتتقفل في وشه كلها منا - 00:06:48

يا ترى يا جماعة يومئذ يتفرقون لما هتفرق! كل واحد منا هيروح فين! كل واحد منا هيركب طائرة رايحة لانهي مقام! يا جماعة ده

جنة او نار! الموضوع خطير! انا عايز - 00:06:58

في الاول وعايز اقول لك اسمعيني ركز معي. اسمعيني يا حبيب قلبي وقالوا لو كنا نسمع او نعقد. اسمعيني الوقتي الفلانتين ده علامة من علامات الساعة اصلا علامة من علامات اقتراب اليوم الاخر من علامات الساعة. الساعة علام اقتراب علامات الساعة. علامات

الساعة عشرات ومئات علامات الساعة زهرت لغاية دلوقت. واحنا غافلين - 00:07:08

الواحد بيفكر ان هو يعني لازم لازم الدعاء يتكلمه بكل قوتهم عن علامات الساعة. الواحد لما بينزل من بيته على ما بيرجع ثاني بيشوف عشرين ثلاثين علامة من الساعة. تخيلي انك انت في امتحان وجاية لك مكالمة من الكلية بالليل قالوا لك خدي بالك امتحانك

بعد اسبوعين اللي هتاخدي به شهادة التخرج. ازاي؟ انا ما استعدتش. خدي بالك - 00:07:28

الصبح وصل لك رسالة بتفتحيها امتحانك بعد اسبوعين. بتفتحي الجرنال تقريره! ده الامتحان بتاع الدفعة الفلانية بعد اسبوعين. بعد

كده لقيت صاحبائك بيتصلوا بك امتحن بعد اسبوعين بعد كده انت نازل الشارع لقيت اليفط متعلقة في الشوارع الامتحان بعد

اسبوعين. على بالليل لقيت العربيات دايرة في الشوارع بميكروفونات. الامتحانات بعد اسبوعين تخيل الرعب - 00:07:48

اللي انت هتبقى فيه. ده معناه انه امتحان خطير جدا. وكل الرسايل دي جت لك ما لكش حجة. يا جماعة علامات الساعة اجراس انزارها بالدق. باستمرار بدون انقطاع قاعدة تدق على ابوابنا اجراس الانذار ما عادتتش بتتوقف. ما عادتتش بتتوقف لحزة. احنا مش

عايزين انزار مبكر للزلازل. زي ما امريكا بتعمل. ولا انزار مبكر واكتشاف - 00:08:08

مبكر للسرطان زي ما الناس اللي خايفة من السرطان بتعمل احنا عايزين انزار مبكر للقيامه للطامة للصاخة. يا اخواني في الله ايه من علامات الساعة اللي لسة لانتشار الزنا يعني نسبة الايدز في العالم الوقتي بقت واحد في المية. عارفين يعني ايه واحد في المية من

سكان العالم عندهم ايدز - 00:08:28

يعني يعني خمسين مليون بني ادم. يعني الناس دي زنت كم مرة عم واحد في الايدز؟ واللي زنا وما وقعش في الايدز قد ايه بقى

يقنن اكثر منهم بكثير. يا اخواني الحرمات ربنا - 00:08:45

انتشار الربا دخل في كل بيت من بيوتنا للاسف الشديد. ايه اللي من علامات الساعة زور الكاسيات العاريات؟ اهم ماليين الشوارع

ونزول الشارع لاي شاب مش متزوج مخاطرة دلوقت ايه من علامات الساعة اللي لسة ما ظهرش؟ ظهور المعازف بقى فيه دعاء

بيدعو للمعازف الوقتي. ايه من علامات الساعة اللي لسة ما زهرش؟ انتشار القتل. شف انتشار البلطجة بقى - 00:08:55

شكله ايه؟ انحسار نهر الفرات عن جبل من ذهب. القتال في العراق بدأ من قبل ما جبل الذهب يزهر. ايه؟ مدعي النبوة القضائية

والبهائية ايه اللي لسة ما ظهرش يا جماعة! احنا بنلعب! احنا بنلعب يا شباب! احنا بنلعب يا امة محمد! علامات الساعة قاعدة تدق

نواقص الخطر على ابوابنا! واحنا مش حاسين! كل - 00:09:15

متبرجة علامة من علامات الساعة. اي والله بكلام النبي نساء كاسيات عاريات. كل اغنية وشريط اغاني واغنية حب علاوة من علامات

الساعة. كل شريط جديد من شرائط المغنيين والمغنيات اللي منزلينها الايام دي بمناسبة - 00:09:35

الفلانتين علامة من علامات الساعة. كل موقع نت قزر كل قناة فضائية قزرة علامة من علامات الساعة. كل بنك ربوي علامة من علامات

الساعة. كل عاق واحد عاق لوالديه كل تاجر مخدرات كل مغنية وممثلة وفنان علامة من علامات الساعة. فلانتين علامة من علامات

الساعة. فيروسات الفلانتين علامة من علامات الساعة يا جماعة - 00:09:48

احنا بنلعب يا اخواني. احنا بنلعب والله. لازم ننتبه يا شباب. لازم تسمعيني. لازم تسمعيني. انا جاي النهاردة عشان احزرك واحزرك.

واخلي اللي اللي مش واقع الفيروس ده يحزر الدنيا كلها. احنا وانا رسالة. وانا رسالة مقدسة تجاه الامة في هذه الايام. انقاز الامة

من فيروس الفلانتين. الفلانتين فيروس - 00:10:08

اللي جاي يكتسح قلوب شبابنا وجاي يدمر هيدمر شباب اكثر من كده ايه؟ شباب جيل محمد هيدمر اكثر من كده ايه؟ هينزل في

الايمان اكثر من كده ايه؟ هيبعد عن - 00:10:28

اكثر من كده ايه؟ عايزين انقاز سريع يا جماعة. انقاز سريع بقدر المستطاع. يعني ممكن شاب دلوقتي يقول لي وممكن بنت دلوقتي تتكلم يقول لي انا انت يعني بص انا ما اقدرش اسيبها. انا باحبها. انت مش عارف يعني ايه باحبها. انا ما اقدرش اعيش من غير حب.

ما تقدرش تعيش من غير حب. ومين اللي يستحق الحب - 00:10:38

هي ولا ربنا. ومين اللي يستحق الحب هو ولا ربنا. مين اللي يستحق قلبك ومهجتك وكل زرة في قلبك. انا معلش كلامك جميل ومقتنع. بس انا ما اقدرش استحمل قل لي سيب المخدرات. قل لي سيب انت. قل لي سيب اي حاجة لا ما تقوليش سبها. ده انا ده هي المعنى بتاع حياتي. ده انا مش عايش لهدف غير عشان ارضيها. ده انا لو هي راحت من حياتي مش هيبقى عندي اي - 00:10:57
نشغل عشان. وانا ده هو هدف حياتي. ده هو اللي مالي علي قلبي. ده انا ما عايش حياتي لها معنى من غيره. ياه! بتحبها! اه باحبها.

لو بتحبها سبها. لو - 00:11:17

بخاف عليها. لو بتحبها اخاف عليها لانك بتوديتها جهنم الوقتي انت بتحب نفسك مش بتحبها. والله ما بتحبها. انت بتحبي نفسك. لو بتحبها كنت تخافي عليه من جهنم اللي انت بتوديه برجلك اليها. بتسلميه بايدك لجهنم. انت - 00:11:27
تقدر تشوف هوية متقطعة تحت قطر في حادثة قطر متوزقة! لأ ما اقدرش. ما تقدرش انت في جهنم اللي هيحصل فيها اشد من اي حادثة قطر. واشد من اي تمزق واي حادثة اربية. ترضى انك انت تبقى سبب ضمة القبر عليها في اول ليلة في القبر. ترضى انت تعرف - 00:11:41

لو وقعت من على الصراط انت السبب في وقعها. لو اتحشرت في جهنم انت السبب في نزولها جهنم. لو ربنا قال عليها خذوها فغلوها هتبقى انت السبب. لو كانت في السيئات هتبقى - 00:11:57
تبقى انت السبب. لو عذبت في قبرها هتبقى انت السبب ترضى. ترضى انها تيجي يوم القيامة متعلقة في رقبتك وبتقول يا رب هو اللي ضحك علي. هو اللي فاتني بتحبها؟ اه بحبها. لو - 00:12:07
حبها لو بتحبها خاف عليها. انت سبب فتنتها في الدين الوقتي. انت اللي بتفتنها في الدين الوقتي. لو بتحبها خاف عليها انت انت ان الذين فتنوا المؤمنين والمؤمنات ثم لم يتوبوا فلهم عذاب جهنم. انت بتفتنها في دينها الوقتي. ترضى كده لو بتحبها خافي عليه. انت بتوديه - 00:12:17

لو بتحبها ابعدني انت اللي بتفتنيه في دي دلوقتي. انت عارف لو انت اول ولد في حياتها؟ اه انا اول ولد في حياتها. كل السيئات عمرها في ميزانك. ليه؟ لانك انت اللي علمتها - 00:12:34
ماشي في الطريق ده. لو بتحبها، لو عاوزها سبها. لو عاوزها اسبها ازاي؟ لانها مش في ايد نفسها ولا في ايد ابوها. دي في ايد ربنا سبحانه وتعالى. مش هتاخذها من ربنا غصب عنه. مش - 00:12:44

تاخذها من ربنا بمعصيته. لو خدتها بمعصية ربنا ربنا هيزلك بها وهيعذبك بها. لو بتحبها لو بتحبها ابعدني عنه. انت يا بنتي باللبس اللي انت لابساها عشان تحلوي اللبس ده مخليكي زي فتاة الاعلانات بتاعة الجرايد. الناس يتفرجوا عليها وبعد كده يرموها في الزبالة مع ورق الجرايد. لو بتحبها لو بتحلها اصل خد بالك - 00:12:54

اصل مامتها على علم وربنا برضو على علم. وخب بالك. كما تدين تدان. سلف ودين. انت وانت قاعد دلوقتي بتكلمها في التليفون بقى لك ساعتين. انت مراتك - 00:13:14
هتتجوزها بعد كذا سنة واحد بيكلمها في التليفون الواطي برضو بقى له ساعتين. وبيقول لها نفس الكلام اللي بتقوله لها. خد بالك انت وانت واقف معها بقى لك اربع ساعات - 00:13:24
وبتقول لها الكلام اللي بتقوله لها مراتك الوقتي في نادي ثاني وفي كازرو ثاني. قاعدة مع واحد ثاني اللي هتتجوزه بعد كذا سنة.

ويقول لها نفس الكلام. وبيمسك ايديها المسكة خد بالك. كل نذرة بتنزرها لها دين هيترد من عرض مراتك. كل كلمة بتقولها لها دين هيترد من عرض مراتك. كل مسكة ايد دينها يترد من ارض مراتك - [00:13:34](#)

طب انا انا مش عايز كده انا عايز اتجوز انسانة عفيفة وطاهرة عايز كده اتوب من اللي انت فيه. عايزة تتجوزي انسان نضيف توبي من اللي انت فيه. لازم يا جماعة كما تدين - [00:13:54](#)

بتحبها انت واقف معها بقى لك ثلاث ساعات او بيتكلم بقى لك ثلاث ساعات. ربنا نازر لكم من فوق سبع سماوات. مش خايف ان ربنا ينزل لك نذرة غضب وانت واقف معه - [00:14:04](#)

ثلاث ساعات معرض نفسك لنظرة غضب من الله. انت عارف لو ربنا نزل لك نظرة غضب هتضيع. هتضيع كل حاجة في حياتك هتنتهي. قال لها ده انا هتعزب شوية في النار وخلاص - [00:14:14](#)

اتعزب شوية في النهر! انت مستهين بغمسة بغمسة نار! نار واحدة! ده اعظم ملك في الدنيا لما بيتغمز في النار غمسة واحدة! بيقول ما ذقت نعيما قط! انت انت مستهين بضمة قبر واحدة! انت مستهين بمقعم حديد واحد! انت مستهين بمطعم انت مستهين باني باب من ابواب جهنم يتقفلك عليك خمس دقائق - [00:14:24](#)

انت مستهين بمس صقر اللي بيذهب العقل ويبجن الانسان. انت مستهين بايه؟ يا حبيب قلبي وما كنا معذبين حتى نبعث رسولا. ممكن اللي بقوله لك دلوقتي ده اخر رسالة هتوصل لك. قبل ما يتوفاك الله سبحانه وتعالى. يتوفاك على طاعة. يتوفاك على معصية. لسة اخت من اخواتنا الفاضلات ربنا يبارك فيها. من اخواتنا في كل - [00:14:44](#)

وهي راجعة وكانت في اسرة وكانت يعني قائدة اسرة من الاسر الدينية وهي راقية وهي جاية الكلية يحصل حادثة تموت الله يرحمها الله يرحمها. تكتشف انها كانت قايمة بتقوم الليل بجزء وقايمة الليل ليلة ما ماتت. وماتت وهي ماسكة المصحف الله يرحمها. وكانت عاملة مشاريع دينية مشاريع للدعوة ومشاريع لنصرة غزة. وعاملة مشاريع في الطب الخدمي - [00:15:04](#)

المسلمين وعاملة وعاملة وعاملة. لما تشوف المنزر ده تقول الله! الواحد عايز يموت كده يا جماعة! الواحد عايز يموت موتة! ربنا! لعل ربنا يرضى عنها ان شاء الله بازن الله بما قدمت ان شاء - [00:15:24](#)

وبرحمته الواسعة انت هتموتي هتموتي بس هتموتي على ايه؟ هتموتي والناس قاعدة متألمة في قلبها. ما حدش عايز يتكلم ويقول ماتت على التبرج. ما حدش عايز يتكلم يا عيني! يا ريتها تابت قبل ما تموت! ولا عايزة تموتي! وكل الناس تقول الله يرحمها! ده كانت انسانة مؤمنة تقية! تقابل ربنا! ربنا فرحان بك - [00:15:34](#)

ربنا فرحان بك ومفرح قلبك بالقاء وعطاياه. بتحبها؟ ايوة بحبها. طب خد بالك. مهما قلت ان حبك طاهر وبريء. خد بالك انك انت على يمينك ما لك وعلى شمالك ملك - [00:15:54](#)

وقفتك معها هيكتبها ملك اليمين ولا ملك الشمال؟ خدي بالك ان الارض اللي انت واقفة عليها وانت بتكلميه في التليفون او واقفة معه في اي مكان هتشهد عليك او لك - [00:16:04](#)

يوم القيامة هتشهد عليك ولا لك؟ خد بالك ان انت وانت واقف معها اربع ملايكة من ملايكة الرحمن برقبتمكم. ملكين عليك وملاكين عليها. برضو ما انتاش خايف من ربنا لو انت بتكلميه النبي دخل عليك عليه الصلاة والسلام وقال لك انت بتكلمي مين هتقولي له ايه صديقي هتقدري تنطقي ببق لسانك هيقدر يتحرك خد بالك - [00:16:14](#)

لو انت واقف معها وملك الموت نزل في اللحظة ديت. هتقول لملك الموت ايه وهتقول لربنا ايه؟ كنت بحبها يا رب. كانت صاحبتي كانت مامتها عارفة دليل شرعي مامتها عارفة - [00:16:34](#)

خدوا بالكم يا شباب خدوا بالكم يا جماعة من فيروس الفلانتين. الفلانتين فيروس اللي بدأ يكتسح شباب الامة وشوارع المسلمين يبقى لونها احمر. والجامعة يبقى لونها احمر الحمرا والدبايب الحمرا ولا حياة ولا حياء. الرسول عليه الصلاة والسلام بيقول اذا يكون في اخر الزمان يكون في اخر الزمان من - [00:16:47](#)

الساعة خسف ومسخ وقذف خسف. يعني زلازل ومسخ زلازل زلازل تركيا اللي قتل اربعين الف واحد في اربع آآ في اربعين سنة

زي زلازل امريكا المدمرة زي زلزال ايراني اللي يوميا بيحصل زلزال في ايران - 00:17:07

زي زلزال اليابان اللي قتل نص مليون يكون كخسف وقذف قذف اراضي الارض تقذف بالحمم والبراكين والسما تقذف بالشهب والنيازك الله! اسلوب نازج دي ممكن تعمل حاجة! تعمل حاجة! ده الارض ابيدت الحياة عليها اكثر من مرة! بسبب الشهب والنيازك! بس احنا اللي ما بنقراش ومش عارفين! قد ايه خطر رهيب - 00:17:22

ده احنا تحت رجلينا وحوش نائمة. وحوش لو فتحت بوقها هتبلع البشرية دي كلها. اسمها البراكين. حمم بحار من الحمم المتفجرة لو بست صدعت الارض وطلعت هتلهب ملايين البشر وهتحرقهم في سواني. احنا يا جماعة يكون في اخر الزمان خسف ومسح - 00:17:42

وقذف المسح مسخ القلوب ومسح الاجساد والمسح في القبور والعياذ بالله. والمسح الاخروي ده امتى يا رسول الله؟ امتى الكلام ده هيحصل يا رسول الله؟ امتى العقوبات القريبة لا تتنازل يا رسول الله. اذا ظهرت المعازف والقينات - 00:18:02 واستحلت الخمور زهرت؟ يعني ايه زهرة المعازف؟ زهرت يا جماعة. زهرت يعني بقت زهرة يعني بقت عربيات الشباب في الشوارع كلها مشغلاها يعني بقت محلات بتفتح عشان تبيعها شرايط وسينيهات الاغاني. يعني بقت القنوات بتاعة الاغاني اشهر قنوات واذاعات الاغاني. يعني يا جماعة عادي عادي ان بنت تنام ومشغلة الام بي سري او - 00:18:18

غلى الكاسيت بصوت عالي او كمبيوتر على الاغاني بصوت عالي. ما هيش مكسوفة زهرت. زهرت المعازف والقينات. القناة زي مغنيات. القناة زي البنات اللي ماشية ماشية في الشوارع مع الشباب في علاقات الحب ولا هاممها ان اي حد يشوفها. ولا هاممها خلاص سقط الحياء تماما. لما يزهر ده لما يزهر - 00:18:38

في المجتمع لما تزهر الزواهر دي كلها في المجتمع لما يبقى امر زاهر. لما الدباديب الحمرا اللي هتاخذها لحبيبات لحبيهم وياخذها المحبين لحبيباتهم ضعف الشوارع قدام الاباء والامهات وقدام الناس كلها تظهر علانية ساعتها يكون في الامة قصف ومسك وقذف والعياذ بالله. يعني انت - 00:18:58

هتبقى سبب من هذه الاسباب علامات الساعة بتحزننا كلنا يا جماعة. بتحبها؟ بتحبها قد ايه يعني؟ بتحبها قد ربنا كده؟ لو بتحبها سبها والله. لو بتحبها سبها عشان ما تتعاقبش فيها. ولو بتحبيه سبها - 00:19:18

ما تتعاقبش فيه. البنت اللي كانت راكبة في التاكسي والولد اتصل بها وانا سامع المكالمة. بيقول لها تعالي والدنيا كانت حر يعني يقفوا مع بعض في الجامعة اوي. قالت له انا مش هاقف معك - 00:19:30

عرق في الشمس مجددة هتقفي معه خمسين الف سنة في حر يوم القيامة. مجددة برضه لو ما سبت هوش. لازم يا جماعة ننتبه لازم نستيقظ يا جماعة. لازم نرجع ربنا هي الوقتي لو بتحبها هي اكثر واحدة انت نفسك انك تشوفها في الدنيا. بس هتبقى اكثر واحدة انت كاره انك تشوفها في الاخرة. يا ترى يا اختي هو هيبقى زوجك - 00:19:40

ادوني زوج الاخرة ولا عدو الاخرة؟ يا ترى يا حبيبي انت عارف انك ماشي في طريق اخره جهنم؟ يعني شعرة شعرة في جسمك هتتحرق؟ يعني عضو عضو في جسمك - 00:20:00

اتحرق! يا ترى انت عارفة انك بترخصي نفسك لو بتحبيه اعرفي انك بترخصي نفسك. مش ده مقامك. مش مقامك ان شاب يضحك عليك بالكلمتين. مش مقامك ان شاب ينزلك من بيتك بمكالمة - 00:20:10

تليفونية مش مقامك. مقامك انك تقعد في بيت ابوك معززة مكرمة. ويجي لك الخطاب لغاية باب البيت. مقامك انك تبقي ملكة من على كل الحور العين في جنة الرحم انما اللي انت هنتي نفسك فيه ده مش مقامك بتحبها. انت مش بتحبها. انت قلبك فاضي. فلما جت بنت حبيبتها. ولما جت اغنية حبيبتها. ولما جه مغني - 00:20:20

انما انت لو قلبك مليان بحب الله مش هيبقى فيه مكان لحب مخلوق. انت مش بتحبيه انت قلبك فاضي. ما فيش فيه مكان لحب الله سبحانه وتعالى. فاي حاجة بتسكنوا خد بالك بتحبها اه بحبها اوي. خد بالك ان هي دلوقتي عشان تقف معك الوقفة دي. وتتكلم معك المكالمة دي خانت ابوها وخانت امها وخانت - 00:20:40

اخواتها وخانت اعمامها واخوالها. خد بالك اللي خانت اللي بيحبوها اكثر منك الف مرة. مش هتخونك في يوم من الايام. لأ ده خالة ربنا وخانة الدين مش هتخونك يوم من الايام خدي بالك وهو بيكلمك ده خاين لربنا. ده خاين لدينه. مش هيخونك انت في يوم من الايام. يا جماعة الحب والله يا جماعة حب حبك للمخلوق. حبك - 00:21:00

هيجيب لك اكتئاب وقلق وضيق صح ولا غلط؟ انما حبك لربنا انشراح وعطاء. من يستحق الحب مين اللي يستحق قلبك ومين اللي يستحق قلبك لو يوم الفلانتين وانت واقف مع صديقتك وحبيبتك. لو انت واقفة مع شاب من الشباب يوم الفلانتين. وجه واحد قال لك انا انا والعايز بالله هو كافر. وعايز - 00:21:20

انت مش مسلم عرفني الاسلام. هتقول له انا ما اعرفش والله. انا ما عنديش معلومات عن الاسلام اصلا. بعد كده جت امرأة بتستغيس. انا مسلمة من غزة. هربت من حصار اليهود وجنود اليهود. انجدي - 00:21:42

ازاي انا مع انا ده ما اعرفش انجديك ولا اعرف اعمل لك حاجة. بعد كده جات واحدة مسكينة. انا عايز اكل واكل عيالي اديني حاجة لله. اديك ده انا اخر فلوس معي جبت بها كارت محمول - 00:21:52

وجبت بقى دبوب احمر ادوا له هدية في الفلانتين. بعد كده جه واحد يقول لك انت في كلية ايه! انا في كلية هندسة. طب كويس ده احنا عايزين مهندس مسلم. شاطر امين - 00:22:02

عشان يبقى امين ويشيل ويبقى انسان امين في الهندسة مع الناس. والله انا انا المخدرات دمرت دماغي. وانا ما اعرفش اصلا آ في الهندسة حاجة. لان انا كل يوم باقف - 00:22:12

عشر ساعات في الجامعة ما بحضرش محاضرات ولا اعرف في الهندسة حاجة. سم انا النهاردة مشغول عشان الفلانتين سبني مش فاضي. بعدها جا لك واحد كافر. قال لك خد بالك احنا عملنا عيد - 00:22:22

عشان ندمر الاسلام ونهني المسلمين عن دينهم وعن المدايح اللي بنعملها لهم. ما تشاركنا فيه عشان تلهي المسلمين عن دينهم اكثر واكثر. هتكتشف ساعتها انك انت بتشارك الكفرة في نصرتهم ضد المسلمين وفي مدايح المسلمين. يعني انت دلوقتي بتحتفل في نفس الوقت اللي كريستينا وباولو في اوروبا وامريكا بيحتفلوا - 00:22:32

بتحتفل بنفس العيد اللي هم بيحتفلوا به. عيد القديس فلانتين سبحان الله! سبحان الله! وصلنا لكده ازاي يا شباب؟ وصلنا لكده ازاي يا امة محمد؟ كل ده بسبب القنوات الغير اسلامية والمواقع انت الغير اسلامية. الدش وانت الغيلان اللي دخلت بيوتنا دمرتها. كل ده لما دخل الدش وانت بيوتنا الخيانات الزوجية دخلت - 00:22:52

الايدز دخل. زواج الشباب من الاوروبيات والامريكيات والملححات دخل. لما دخل ده في بيوتنا الجواز العرفي دخل. لما دخل الدش وانت في بيوتنا. البيوت بتاعتنا انهارت والشباب انهارت. كنا قبل كده لما كان الشباب منحرف كنا بنكلم الشباب. لما المصيبة زادت بقينا بنصرخ في الاهالي اعملوا لولادكم حاجة. لما المصيبة زادت بقينا بنتكلم لاصحاب - 00:23:12

القنوات الفضائية واصحاب المواقع انت وبانعي الملابس النسائية المنحلة بنقول لهم اتقوا ربنا لما المصيبة زادت بقينا بنصرخ في كل مسئول اعملوا حاجة انقزوا شباب الامة تمانين في المية من شباب الامة بقى ما لوش مستقبل. المخدرات دمرت قلبه وعقله. والحب دمر قلوبهم ونفسياتهم. انقزوا شباب - 00:23:32

هذه الامة لما المصيبة زادت ما عايش لنا غير ربنا. بنقول له انقزنا وانقزهم يا رب. انقزنا وانقزهم يا رب. يا جماعة هنفضل ساكتين. على مآسي الشباب وواقع الشباب لغاية امتى - 00:23:52

هنفضل ساكتين على الكارسة اللي بتحصل ديت لغاية امتى؟ قرأت القصة لاحد الناس لما دخل الدش في بيته ابنه اتجوز واحدة اوروبية ودي بقت كتير. اوروبية كافرة وجابها في البيت مع مراته - 00:24:04

وبنته اتجوزت عرفي وابنه الثاني مشي في سكة المخدرات ودخل السجن فانا في الاول قلت ايه ده هم بيبالغوا دول ولا ايه؟ وبعد كده قلت بيبالغوا ايه مدمر. بسبب هذه الامور. دمار يا جماعة. انت لما بتفتح موقع نت غير اسلامي او قناة فضائية غير اسلامية. انت بتفتح غول هيفترسك. انت بتفتح حاجة - 00:24:14

تضيع دينك. انت بتفتح تعبان مفترس هيبعدك. انت مش عارف انت بتعمل ايه. شبابنا بقوا مدبرين. الشباب المدمن دول هيعملوا ايه؟ المدمن ده ما عندوش صحة حتى ده لو عايز يقع في الزنا لازم ياخذ جرعة مخدرات زائدة. المؤمن ده المدمن ده ما عندوش ارادة بيفطره في رمضان يا جماعة. الشباب المدمن كله بيفطر في رمضان - [00:24:34](#)

ما عندوش ارادة انه يصوم. المدمن ده المدمن ده مشروع نصاب وحرامي لانه هيجيب فلوس يشرب منين؟ المدمنة دي مشروع والعياذ بالله واحدة مفسدة في الارض انت هتجيب فلوس منين؟ المدمن ده يا جماعة المدمن ده ما عندوش مستقبل. جسمه متسمم بالمخدرات. ما ينفعش يشتغل اي شغلانة. المدمن ده ما عندوش مشاعر. لا مشاعر تجاه ابوه ولا امه ولا زوجه - [00:24:54](#)
ولا ولا اولاد. ما هوش امين على اي حاجة في المجتمع ولا في الحياة ولا في الامة. لو صاحبه اللي بيشرب معه مات قدامه بيجري ويهرب يشوف مكان تاني يكمل شرب فيه - [00:25:14](#)

لغاية امتي؟ اول ما الواحد دخل الجامعة كان لسة كان كان الشاب اللي بيشرب سجاير ده بيبقى معروف في المكان كله. ده ده جرسومة. جرسومة شوية والتمسيلية الدنيا زادت. بقى الولد اللي بيكلم بنته ويحبوا بعض في الكلية معروفين في خمس ست كليات حوالهم. الجراسيم دول ابعدوا عنهم. احسن يفسدوكم اللي تقف مع البنت دي - [00:25:24](#)
انت هتتشابه في الكلية كلها. ده صاحبة فلانة. التمسيلية زادت بسرعة. وجزور الفساد دي مات بسرعة. لغاية ما وصلت للواقع اللي احنا فيه. في سنوات معدودة ازاي يا جماعة؟ ازاي - [00:25:44](#)

لازم انقاز لازم انقاز للوضع الحالي بتحبها لو بتحبها سبها لله. سبها لربنا. سبها انت هي دي اختيارك. مش مش اختيار ربنا لك. ده اختيارك لنفسك مش اختيار ربنا لك. طب ما تسيبي ربنا يختار لك - [00:25:54](#)
من ترك شيئا لله عوضه الله خيرا منه لو انت سبتها لربنا لو هي الخير ربنا هيجيبها لك تاني في الحال. ولو فيه حد احسن منها ربنا هيجيب لك اللي احسن منها - [00:26:09](#)

ما تسيبين ربنا ولو هو الخير ربنا هيجيبه لك تاني ولو هو الشر ربنا هيبعده عنك وهيجيب لك اللي احسن منه. سيبه واقفي بين ايدين ربنا وقولي له يا رب انا سبته عشانك يا رب. اديني اللي احسن منه يا رب. ولو هو الخير جابه لي يا رب. يا جماعة قل لها خمس سنين يا اختي. خمس سنين نبعد عن - [00:26:19](#)

استنيني قدامك خمس سنين. قبل الخمس سنين دول لو تقدرني تستنيني ولكن ما فيش اي اتصال ولا اي مكالمة. ولا اي اتصال خالص. الخمس سنين لو عدم انت في حل من امرك. لو خلاص والموضوع ينتهي يا جماعة. ده لك حل. كحل من الحلول اللي ممكن. يعني يعني بتبقى مناسبة لكثير من الشباب في هذا الواقع. وتبعدوا عن بعض تماما - [00:26:39](#)
لو الخير في انكم تجتمعوا ربنا هيجمع بينكم. لانكم اخترتم ربنا على بعض. ولو الشر انكم تجتمعوا ربنا يختار لكم الاحسن. يا قولي له قولي له انا ممكن اسيب اي حاجة عشانك. الا - [00:26:59](#)

ربنا. قل لها انا ممكن اضحي باي حاجة عشان يكل ربنا. قل لها عذرا عرفت ربي. قل لها يا جماعة من فقد الله فماذا وجد؟ لو بتحبها فعلا سبها والا تبقى بتحب نفسك ولو بتحبها فعلا خافي عليه - [00:27:09](#)

غفلة يا جماعة. كفانا غفلة. كفانا جرأة على الله. كفانا جرأة على محارم الله. كفانا يا جماعة استهتار بالعواقب الاخروية للمعاصي اللي احنا بنعملها يا شباب احنا داخليين امتحان. انت داخل امتحان في الاخر هتتسأل فيه عن كل حاجة. مش امتحان الدنيا اللي بتذاكر آآ ورقتين وخمس اسئلة وتدخل تلاقي نصهم في الامتحان وتنجح وتعدى. انت داخل - [00:27:24](#)

امتحان هتتسأل فيه عن كل اعمالك. وقفوهم انهم مسؤولون. فوربك لنسألهم اجمعين عما كانوا يعملون. هتتسأل فيه عن اماناتك. كلكم راع وكلكم عن رعيته. هتتسأل فيه عن عمرك فيما افنيته يوم يوم في عمرك. سنة سنة في عمرك هتتسأل فيها. زنوب الفين وتسعة هاتوا - [00:27:44](#)

بخالص الزنوب الفين وعشرة. زنوب الفين وحداشر. وعن شبابك فيما ابليت ساعة ساعة في شبابك وشبابك هتتسألوا عنها. ساعة ساعة انكلمت في التليفون وانكلمت وفضلتم تبصوا لبعض هتتسألوا عنها. وعن ما له من اين اكتسبه وفيما انفق. شلن شلن صرفته

على كارت محمول تكلمها. شلن شلن - 00:28:04

صرفتوا على مسح تبعثها لها. شلن شلن صرفتيها على هدية تجيبها له. هتتسألني عنها قدام ربنا. وعن علمه ماذا عمل فيه. اية اية سمعتها. حديس حديس عرفتيه في الدين هتتسألوا عنه. ما طبقتوش ليه؟ الكلام اللي بتسمعه الوقت ده تتسألوا عنه قدام ربنا. يا نهار ابيض! يعني احنا بنسمع الكلام ده من ورت نفسنا الوقتي؟ لا يا حبيبتي. لا يا اختي - 00:28:24

ليه يا حبيب قلبي انت مش بتورط نفسك؟ ده انت بتقرب من ربنا الوقت خطوة. ده انت بتفتح ودك لكلام ربنا الوقتي. بعد ما

فتحتها لكلام شياطين الناس داما. ياما - 00:28:44

فتحتها لشياطين الناس. ده انت بتقرب من ربنا وربنا هيقرّب منك. وهتشوف شكر ربنا اللي سمعك الكلام دهوت. فورا بازن الله. وهتشوف قبول ربنا انك انت سمعت عشانه وانك سمعت عنه وانك اديت ودك ودك للي بيدلك على طريقه. وانت هتشوفي ده في دنيتك عاجلا واجلا. يا جماعة يا جماعة هنسأل والله - 00:28:54

عظيمة نسأل عن كل حاجة. احنا داخلين امتحان يا ويلتنا. ما لهذا الكتاب لا يغادر صغيرة ولا كبيرة الا احصاها. ده مش سايب لا

صغيرة ولا كبيرة. ده ما سابش حاجة - 00:29:14

احنا ما كناش عارفين ان احنا متراقبين للدرجة دهيت. وكل صغير وكبير مستتر. كل حاجة مستورة عليك ومكتوبة عليك صغيرة وكبيرة. تخيلي مكالمه ست ساعات تخيل انت مكالمه عشرين ساعة. كل كلمة فيها مكتوب عليك مكتوبة كده اهو محفورة في

صحيفتك. هتروح منها فين؟ لو ما تبتش الى الله سبحانه وتعالى - 00:29:24

هنتحاسب يا جماعة ان كنا نستنسخ ما كنتم تعملون. لما تقف انت وهي قدام ربنا يوم القيامة. تقف وانت الاتنين قدام ربنا. والمكالمه التليفونية تشغل وتفتكروا الكلام اللي بتقولوه والصورة النسخة بتاعة المقابلة تشغل وتفتكروا اللي كنتم بتقولوه مع بعض. ساعتها هتعمل ايه؟ تأمن ان ربنا ساعتها يقول للملايكة عليك. خذوه فغلوه - 00:29:44

ياخدوني فين يا رب انا ما كنتش استحمل كبريت في الدنيا ولا كنت استحمل مائة سخنة في الدنيا. امال اه او مال انت امال كنت

تمشي معه ليه وانت عارف ان ده بيغضبني. وانت كنت بتلبس - 00:30:04

اللبس اللي بيبرز وفانتك ليه؟ وانت عارفة ان ده بيغضبني. ها يا رب ده انا كنت باحبه. حب حرام. قائم على اساس حرام. هي دي

عقيدته في الآخرة. وانا كنت باحبها - 00:30:14

حب حرام قائم على اساس حرام هي دي عاقبته في الآخرة. انت تأمن يوم القيامة. ساعة البعس. لما التراب يتنفذ من عليك والكفن

يتمزق من حوالين جسمك وجسمك يتجمع تروح تلاقي ظلام رهيب وحر رهيب. وسائق وشهيد بيقتدوك. ساعتها لو علاقتك بها

هتنجيك من العذاب خليك معها. لو علاقتك بقى مش بيك - 00:30:24

مش هتخليه سبب عزابك في هذا اليوم خليك معها. ساعتها لو مش هيتبرأ منك خليك معه. ساعتها لو مش هيدوس عليك برجليه

عشان ينجو هو ويضيعك خليك معه. انت تأمن يوم القيامة لما تيجي تحقق معها وتتحاسب وتقول هو اللي فتنني وضيعني.

والملايكة تجيبك في ارض المحشر وهي تمشي بجنون بتدور عليك في ارض المحشر عشان - 00:30:44

ما فيك. وانت اول ما تشوف الملايكة انا انا هتتحاسب ولا ايه؟ لا لا دا تحقيق تاني. تحقيق مش لسة الحساب بتاعك ما جاش. وانت

رايح مرعوب يا ترى ايه يوم صوم المصائب اللي انا عملتها - 00:31:04

واول ما تروح وتشوفها ياد اليوم اللي مش فايت. هي يا رب السبب. لأ يا رب هو السبب. وتفضلوا تتلاعنوا الاخلاء يومئذ بعضهم

لبعض عدو الا المتقين. ولن ينفعكم اليوم اذ ظلمتم انكم في العذاب مشتركون - 00:31:14

عايزين نفوق عايزين نفوق وعايزين نرجع لربنا سبحانه وتعالى كفانا غفلة يا اخواني. يوم الحساب هنعمل فيه ايه امتحان الآخرة هنعمل فيه ايه؟ امتحانه الرهيب قدام ربنا سبحانه وتعالى هنعمل فيه ايه؟ انت في الدنيا ممكن تمتحن في مكان مكتب خشب وورق

وقلم والاضواء - 00:31:33

تعرف تشوف كويس ومراوح. ولو واحد جا له صداع يجيبوا له قرصين اسبرين. ولو واحدة تعبت تجيبه لها دكتور. لجنة امتحان

بالمنزرده انك لجنة امتحان تخيل اذا النجوم طوبست. ما حدث فيه نجوم اصلا. واذا السماء فرجت. ما حدث فيه سماء اصلا. واذا الجبال نسفت. نصف نصف من حواليك. ما - [00:31:50](#)

في جبال اصلا. تخيل منزر لجنة الامتحان. منزرها ايه ؟ لأ اصل هي مش امتحان واحد. في امتحان في القبر. لجنته شكلها ايه ؟ زور المقابر الليلة وانت تعرف لجنته شكلها ايه. كنا - [00:32:10](#)

من ايام في المقابر بالليل احد اخواني اتصل بي. وقال لي تعال بس انا انا يعني يعني انا في المقام الواد كنا الساعة اتنين ونص بالليل تقريبا. وقال لي انا انا في منزر غريب جدا - [00:32:20](#)

كان رايح يزور المقابر بالليل. منزر غريب جدا. فيه نار طالعة من جنب قبر في شجرة كده مولعة. فانا طبعاً ايه قلت هو بالليل يعني يعني وتهويلات بقى بعض الاخوة المهم رحت فعلاً والله العزيز يا جماعة منزر يكاد القلب انه ينخلع له. شجرة طالعة طالعة جذورها طالعة من تحت قبر واحد نايم بالعرض كده - [00:32:30](#)

شجرة طالعة. النار النار مولعة مولعة الشجرة من تحت. الساعة ثلاثة بالليل مين اللي هيولع شجرة؟ والشجرة دي عشان تولع اصلاً دي عايضة ميت طن بنزين دي عشان تولع. ونار رهيبه. قعد الاخوة تحفر النار كل ما تحفر الشجرة جزورها بقت جمر من تحت. النار جاية من تحت مش جاية من فوق. النار - [00:32:50](#)

من تحت يا جماعة. كل ما تحفر جزور الشجرة مولعة. كل ما تحفر طفينا النار. شوية والنار ولعت تاني. جينا بعد يعني بعض الشباب راح بعد يومين لقي الشجرة من مكان الشجرة اتحرقت تماماً الجزور بتاعتها. اتشالت من مكانها. قلنا سبحان الله! ما بنحكمش على حاجة. ولكن منزر الاخوة صوره بالموبايل. والله العزيز تشوف المنزر قلبك اتخلع - [00:33:10](#)

واروح عشان كل واحد يسمع ممكن يقول ده حاجة صعبة نحاول ان احنا ننزله ان شاء الله. على ويتو الله ان شاء الله الايام القادمة دية. بازن الله سبحانه وتعالى منزر رهيب. النار جاية من تحت مش جاية من فوق - [00:33:30](#)

ونار رهيبه. محولة جزور الشجرة الخشب المتين. محولاه لفحم متوهج. سبحان الله العظيم المقابر المقابر منزر المقابر. ما تشوف مكان اول امتحان هتمتحن فيه. النملة اللي هتتمدد فيها. الامتحان ده ده لجنة واحدة لسه فيه لجان يوم القيامة. لجنة الصراط دي - [00:33:40](#)

فيها ايه ؟ ويوم القيامة. منزر اللجان يحشر الناس يوم القيامة حفاة عراة. السيدة عائشة قالت عراة ازاى يا رسول الله ؟ الشباب والبنات محشورين عراة ازاى الرجال والنساء وراه ازاى ؟ فقال الامر اشد من ان يهمهم هذا. دلوقتي الشاب التافه يبص على منزر - [00:33:58](#)

في انت ينسى الدنيا واللي فيها ولا البنت الدافئة تبص على منظر الفخان الفضائية تنسى الدنيا اللي فيها. يوم القيامة من الرعب والفرع ده ربنا بيقول يوم ترونها اه تذهل كل مرضعة. ذهول تضع كل ذات حمل حملها انجهاض لكل الكائنات على وجه الارض. ترى الناس سكارى انهيار عصبي وعقلي. ليه يا رب ده كل ده - [00:34:18](#)

عشان ايه ؟ عشان يتحاسبوا وقروا على زنوبهم. لا لسة. عشان يا رب يتقال لهم عدوا من على الصراط لسة. عشان وقفوا قدامك يا رب وقلت خذوه فغلوه لسة. اومال عشان ايه ؟ عشان - [00:34:38](#)

يوم ترونها بس لمجرد رؤية مسرح لمجرد رؤية قاعة الامتحان بتاع الآخرة. لمجرد رؤية قاعة الامتحان بس. والزمن تخيل انك هتمتحن في خمسين خمسين ساعة ده امتحان الدنيا ثلاث ساعات خمسين الف. خمسين الف ساعة. خمسين الف سنة! انت عارف ساعتها هتقول ان الدنيا كانت ايه! انت عارفة ساعتها - [00:34:48](#)

الست ساعات بتوع المكالمه اللي قليلة كل ليلة والعشر ساعات بتوع وقفة الجامعة كل يوم والفسوحات والخرجات ميزدات وعارفة كل ده والتشييد عارفة كل ده هيبقى ايه ساعة من النهار. ساعة من لبثنا يوما او بعض يوم. انا الوقتي لو قلت لك احكي لي قصة حياتك اللي فاتت كلها. انت عندك اتنين وعشرين سنة. انت عندك - [00:35:08](#)

اربعة وعشرين سنة انت عندك اللي عندك انت عندك خمسين سنة. هتحمكي لي قصة حياتك في ساعة. ساعة هي ملخص حياتك. اللي

باقي يا حبيبي هيمر زي اللي فات مر. هيمر - 00:35:28

طول ما تحس بقيمته اصلا. يا جماعة كفانا غفلة. كفانا جرأة على الله. كفانا جرأة على الملك اللي هنقف بين ايديه. انت اللي بيراقبك في امتحان الدنيا وواحد زيه زيك - 00:35:38

ممکن تغش وما يدراش بك. ولكن امتحان الاخرة اللي هيراقبك الملك القدير مراقبك. الحي القيوم الذي لا ينام راقبك. السميع البصير مراقبك يعلم ما في البر والبحر. الغابات الاستوائية في منتصف الارض اللي عليها معزم الحياة على وجه الارض. معظمها العلماء ما حطوش فيها رجل اصلا. البحر البحار معزمها العلماء ما يعرفوش عنها اي حاجة - 00:35:48

حاجة ولا حطوا فيها رجل انت متخيل ربنا يعلم كل شيء. هتهرب منه فين؟ هتهرب من علمه بكل عمل عملته ازاى؟ هتهرب من احصاؤه لكلمة كلمة قلتها ونظرة نزره. بصيتها ازاى - 00:36:08

يا جماعة ده طوفان معاصي. ده تمرد على الله. التمرد ده كله لما يحصى احصاه الله. ونسوه احصاه. الاحصاء دي علم من العلوم دلوقتي علم من العلوم اللي بتدرس في العالم كله. تخيل انت محصى عليك كل شيء احصاه الله. ونسوه كفانا غفلة يا جماعة. كفانا غفلة يا شباب. كفانا غفلة. ممكن واحد يقول طب انا - 00:36:21

طب يعني انا يعني انا مش عارف اقول لك ايه. انا ممكن الكلام ده يقلقني. انا عايز افوق بس انت مش متخيل. انت مش متخيل المعاصي بقت سهلة ازاى؟ ده ده الكبائر - 00:36:41

والموبيقات الوقتي بقت اسهل من انك تولع عود كبريت. انت مش متخيل الكبائر بقت متاحة الوقت ازاى؟ انت يعني انت بتتكلم ان خلاص الكبائر منتشرة قدامك تيسير المعصية ده حاجة ترعبنا. ترعبنا ليه؟ يا ابني ده لما ربنا اراد انه يخسف ببني اسرائيل قرده وخنازير يمسخهم. يسر - 00:36:51

المعصية اصحاب السبب لما تيسر لهم المعصية اتمسخوا بعدها. ده انت يا ابني تيسير المعصية لك ده معناه ان المرحلة اللي بعد كده نزول انتقام ربنا. سبحانه وتعالى. طب اعمل ايه؟ انا ما اقدرش اعيش من غير حب. ما تقدرش تعيش من غير - 00:37:11

الحب ازاى؟ ازاى ما تقدرش؟ مين اللي يستحق حبك؟ ربنا ربنا بيقول قل يا عبادي الذين اسرفوا على انفسهم. ربنا بيكلم الزناة والسرقة والقتلة واللي اتجوزوا عرفي اللي ادمنوا مواقع اباحية واللي سرقوا واللي نصبه بيقول لهم يا عبادي. يا رب ما قلتش يا زناة ليه؟ يا سرقة ليه؟ ربنا بيسترك. انت عارف رحمة ربنا بك قد - 00:37:23

انت لما عصيت ربنا ربنا كان ممكن ينسفك. انت لما عصيت ربنا ربنا كان ممكن ينزل شهاب حارق. يحرقك وانت بتعصيه. انت لو ربنا عاملك بعزته ومقامه كنت مش معصية لمجرد وانت بتهم بالمعصية كان طلع بركان بلعك. انما انت لما عصيت ربنا ربنا ما نسفكش. ما حرقكش - 00:37:43

بقت موتكش انت لما عصيت ربنا ربنا رحمك وجوزك ورزقك ونجحك وعفاك في بدنك وشفاك واجاب دعائك وفرج كل وهيبدل سيئاتك حسنات لو رجعت له. انت بتهرب من حبيبك. انت بتهرب من حبيبك يا جماعة المؤامرة اللي اتعملت لامة محمد وصلت -

00:38:01

ملايين امة محمد انهم ما عدوش عارفين مين حبيبهم ومين عدوهم. ما عادوش عارفين ايه قضيتهم واهدافهم. واياه رسالتهم؟ ربنا بيقول للرسول بيقول لله افرح بتوبة احدكم لله افرح بتوبة مين؟ توبة زني؟ ربنا يفرح بتوبة زني؟ ربنا يفرح ليه؟ يفرح بك ليه؟ شاب النهارده - 00:38:21

بتكلم معه بيقول لي انا يائس انا محبط. انا والله الشاب ده كلامي معه. هو السبب ان انا جيت الليلة. هو السبب وانا بتكلم معه. يا ابني انت يائس ليه؟ يقول لي هو ربنا ممكن يتوب - 00:38:41

علي بعد اللي انا عملته يا ابني يتوب عليك. يا حبيب قلبي انت بتعامل ارحم الراحمين. اذا كان عاملك بقمة الكرم وانت بتعصيه. اومال هيعاملك ازاى وانت بتطيعه؟ وهو ربنا ممكن يسبطني - 00:38:53

انا ما عنديش طاقة ان انا التزم. يا ابني هو انت بتلتزم! بطاقتك انت ولا بمدد من الله! بس انت اصدق ربنا. يقول لي بس انا مرعوب

بالكلام اللي انت بتقوله ده. انا كده باقيم الحجة على - 00:39:03

وانا باسمعك. قلت له يا ابني ده انت بتقرب من ربنا خطوة. وهتشوف ربنا هيكرمك بها قد ايه. وهيعطيك بها قد ايه. يا جماعة الشباب الشباب محتاج زلزال يفوقه. محتاج - 00:39:13

هزة تفوقه ياه! بدأنا نوصل لنهاية الحلقة يا جماعة بدأنا نوصل لنهاية فيروس الفلانتين او نهاية فالنتاين فيروس او نهاية هذا

الفيروس القاتل ربنا يقضي عليه ان شاء الله في ديار المسلمين - 00:39:23

ويبدأ كل الحب بتاعنا حب طاهر وعفيف. انت مصمم على الفلانتين ايوه. الحديث بتاع النبي عليه الصلاة والسلام يأتي الله باهون اهل النار. يوم القيامة اهون اهل النار عذابا قل لو ان لك الارض جميعا وما فيها اكنت تفتدي بها؟ يقول نعم يا رب. يقول قد اردت

منك اهون من هذا. غض البصر اهون من هذا. انك تسيبي الولد - 00:39:38

بنت ماشية معه اهون من هذا. انك انت تسبب المواقع انقذها من هذا. صلاة الجماعة اهون من هذا يا جماعة. يا جماعة بدل ما نعمل

احتفالية لحب المخلوق للمخلوق. نعمل احتفالية - 00:39:58

حب ربنا. بدل ما تعلق دبائيب دبائيب وقلوب حمرا في العربية بتاعتك. ليه ما تكتبش عليها بحبك يا رب ليه ما تكتبش عليها يا حبيبي يا الله؟ ليه يا جماعة البنت هتديك مشاعر؟ لكن ربنا هيديك جنة عرضها السماوات والارض. الولد هيديك كلمتين حلوين. لكن

ربنا هيديك الفردوس الاعلى - 00:40:08

في جواره وهيديكي زوج في الجنة احسن مليار مرة من اللي انت بتكلميه. يا جماعة ده الكنايس قالت على الفلانتين بدعة. احنا

هنقول عليه ايه؟ يا جماعة العيد الصغير في - 00:40:25

حداشر والعيد الكبير اللي جاي دهوت عيد الفالنتاين العالمي الكبير. يعني احنا بقينا عندنا عيدين حب وعيدين دين. يعني بقى الحب زي الدين عندنا الوقتي. عايزين يا شباب. سم انت لو مصمم على آآ على الفلانتين. عيد الفلانتين. يا ترى هتصلي العيد فين؟ وانت

هتصلي العيد فين؟ انت بتتريق علينا - 00:40:35

ولا ايه؟ بتتريق على الفلانتين ولا ايه؟ لا يا حبيب قلبي انا مش بتريق. هو مش قصدي الفلانتين اصلا بالعيد. انا قصدي عيد

تاني خالص. قصدك عيد ايه؟ عيد الفطر ولا عيد الاضحى؟ لا لا لا عيد - 00:40:55

واعزم في حياتك. عيد ايه ده! انما العيد لمن اطاع الله. العيد الحقيقي. اعزم عيد في حياتك. اعظم عيد في حياتك كلها لا يوم ما

هتتصالح على ربنا. يوم ما هتقومى تتوضى وتصلي ركعتين توبة. وتقفى بين ايديه تقولي له تبت اليك يا ربي - 00:41:05

يا خالق يا مولاي. هو ده اعزم عيد في حياتك. وصلاة اعظم صلاة عيد هتصليها في حياتك. ركعتين التوبة اللي هتتوب لربنا بهم يعني هتصلي العيد فين؟ هتقوم الوقت تتوضى. بعد ما سمعت الكلام ده وتقوم تتوضى وتصلي ركعتين صلاة العيد العظيم في حياتك.

عيد التوبة في حياتك - 00:41:25

تعاهد ربنا. صالحتك يا رب خلاص. سبتني ما ناش راجع تاني يا رب. هو اللي هتنزل تصليهم في المسجد ولا هتصليهم في البيت

هنصلي العيد فين يا جماعة؟ اعزم عيد في حياتنا عيد التوبة واعزم صلاة في حياتنا صلاة التوبة. اعظم صلاة عيد صلاة التوبة.

عايزين نتوب لربنا سبحانه وتعالى - 00:41:45

وعايزين نبقى صادقين مع ربنا سبحانه وتعالى. الفلانتين فيروس الفلانتين الخطير. انا بزكركم يا جماعة. بزكركم يا شباب. بزكرك يا

كل واحدة فلانتينية. ويا كل كل شاب فلانتيني ويا كل واحد فلانتينو ويا كل آآ باحس عن الحب وباحس عن الحب وما بتحبش حد

بس زعلانة. وبتدور على حبيب. ويا كل - 00:42:03

واحد مستني السبت اللي بعد الجاي. عشان يقدم هدية الهدية الحمراء بتاعة التعبير عن مشاعره. لمن يحبها في الدنيا. ويكون لفئة

سعيدة بعلاقة حب هي عايشة فيها. انا باقول لكم ان الفلانتين ده هيدمر قلوبكم. وهيدمر قلوبكم بالله. اختاريه يا هو يا ربنا. اخترها

يا هي يا ربنا. اختارها - 00:42:23

يا جماعة اختاروا يا جماعة احنا في امتحان خطير. نسبة النجاح فيه مش اربعين في المية وخمسين في المية زي المجازر اللي

بتحصل في بعض الكليات. نسبة النجاح في واحد في الالف. بعث النار واحد في الالف - [00:42:43](#)

كل الف بني ادم واحد بيروح الجنة تسعمية تسعة وتسعين نار. والبني ادم اهو اللي بينزل تحت التراب اول كلمة بيقولها. رب ارجعون عايز دور ثاني يا رب. امتحانات الدنيا كنت باخد - [00:42:53](#)

اديني تور ثاني يا رب ممنوع كلا. ما فيش وهم يسترقون فيها ربنا اخرجنا نعمل. دور ثاني يا رب ممنوع. ممنوع واللي في الامتحان يا ويله. واللي بينجح في الامتحان. يا رب تنجحوا كلكم. ونجح كلنا يا رب. يا رب تنجح كل فتاة وكل شاب وكل واحد من امة محمد ونجح كلنا - [00:43:03](#)

يا رب ان فرحان بنجاحه ما فيش فرحان في الدنيا. زي الفرحان بنجاحه. لما ييفرح وهو بيزحزح عن النار فمن زحزح عن النار ويدخل الجنة فقد فاز. وفرحتك وانت داخله الجنة داخله الجنة. لقاب قوس احدكم في الجنة خير من الدنيا وما فيها. هتفرحي ساعتها بكل متر لك في الجنة. اكرر من فرحتك لو قلت لك انت بقيتي ملكة - [00:43:23](#)

متواجة بكرة. انت هتملك عرش الارض بكرة. احسن من فرحتك لو قلت لك قصور الارض كلها قالت بكرة. وفرحتك لما ربنا يديك كتابك بيمينك. هاقوم اقرأوا كتابي اني ظننت اني ملاق حسابيا. انا سبت كل شهوة عطلتني عن ربنا عشان اليوم داهوت وانا سبت كل شهوة عطلتني عن ربنا. عشان اليوم داهوت - [00:43:43](#)

تخيل فرحتك وانت بتحط اول رجل بعد الصراط والاخر واحد بيعدي من على الصراط بيقول الحمد لله الذي اعطاني ما لم يعطي احدا من العالمين. فرحان افراح الاخرة. عايزين نبقي من اهل افراح الاخرة. فرحتك وانت بتبص لوجه الله. ترجع لمراتك تقول لك لقد ازددت حسنا وجمالا من فرحتك. فرحتك فرحة رهيبة - [00:44:03](#)

وانت بترتقي في مقامات الجنة. عايز اقول ايه في النهاية؟ عايز اقول يا جماعة ان الفلانتين فيروس ده لازم نحاربه. يا شباب اللي قاعد قدام الوقت يا شاب ملتزم او فتاة ملتزمة - [00:44:23](#)

يا شاب وفتاة مبتلين بهزه المعصية. اللي بيسمعه دلوقتي. سواء هيسمعوها من الفضائية هيسمعوها من شريط. هيسمعوها من النت. يا كده يا كده. لو انت ملتزم يبقى انت مكلف قدام ربنا انك تجاهد الفيروس ده. انك انت تجاهد المعركة الشيطانية الابليسية دهيه. انك تعمل لدين الله. انك انت تنشر المعركة وسط كل الشباب - [00:44:33](#)

ولو انت انسان ضعيف وانت ضعيفة استعينوا بالله يا جماعة. انا بانصحك نصيحة عشان تستعيني على نفسك. ايه وقومي الطوس دلوقتي بواحدة من صاحباتك اللي التزموا. قومي دلوقتي اتصل بواحد صاحبك من اللي التزم وانت سبتهم لما التزموا. قل له ما تسبنيش. قل لها ما تسبنيش. والله يا جماعة انا اعرف شاب عمل كده. الوقت ما شاء الله لا قوة الا بالله. في التقدم بتاعه في -

[00:44:53](#)

التزام خدوا خطوة ايجابية. اتصل بحد ملتزم من اصحابك وروح له. اتصلي بواحدة ملتزمة من صاحبتك وروحي لها. سبتوا نفسكم في بيت الايمان. في الصحة الصالحة يا جماعة. انا باكلم الوقتي - [00:45:13](#)

كل واحد ملتزم ان شاء الله بازن الله في ورقة بازن الله عاملينها. الورقة يعني هي ورقتين. ورقة للولد وورقة للبنات. لما تشوف ولد وبنت كده يبقى الولد له ورقة والبنات لها ورقة - [00:45:25](#)

كلامهم يعني يعني ممكن زي بعضه. ولكن ورقة الولد مكتوب عليها بتحبا. السؤال بخط كبير كده في الاول. وبعد كده بقى ايه الطرقات على قلبه. لو بتحبا عليها. لو بتحبا سبها. لو بتحبا كلام كثير في الورقة وش وضر. وورقة تانية اسمها بتحبيه. دي تعطى للبنات. بتحبيه بقى. شف الطرقات اللي بتتقال لك - [00:45:35](#)

ان شاء الله الورقة بازن الله سبحانه وتعالى يعني ممكن بكرة ان شاء الله او في خلال يعني حاجة يعني اكثر من كده بسيطة جدا ان شاء الله هتكون خلصت واتصمت ان شاء الله وهنزلها على موقع - [00:45:55](#)

الله موقع الطريق الى الله ان شاء الله. تدخلوا تسحبوها تنشروها في كل مكان. تدوها لكل الشباب. تديها لكل البنات. تدوها لكل الكوفي شوبز. ننشر يا جماعة فكرة يعني الواحد ممكن يعمل الورقة ديت ويعطل بعض المصالح ولكن لانها دعوة عشان الشباب اللي

عايز يعمل حاجة ويكافح هذا الفيروس يلاقي حاجة يكافح بها. ان شاء الله بازن الله - 00:46:05

نسحب الورقة ديت من على الموقع ان شاء الله بازن الله وننشرها ونطبعها وننشرها في كل مكان بازن الله ورقة بتحبها وبتحبها وان شاء الله يبقى التصميم بتاعها احمر بقى وايه - 00:46:25

زي الفلانتين كده ماشي مع جو الفلانتين خالص. ولعل ربنا يجعل بها اثر. ونبقى انكرنا منكر يا شباب ونبقى دعينا الى الله سبحانه وتعالى. مش عايز كلنا ننسى ابدأ ابدأ. ونذكر الناس بالرسائل ان تلتاشر واربعتاشر وخمستاشر يوم الحد واللاتين والتلات. وده من

الاسباب اللي جابتني الليلة - 00:46:35

بفضل الله رغم ان يعني اليوم تلتاشر واربعتاشر وخمستاشر يا جماعة في الشهر العربي. ما تضيعهمش ابدأ يا شباب. يوم الحد واللاتين والتلات بازن الله وتعالى التجار اللي بيتاجروا في الدبابيب الحمرا وحاجات الفلانتين اتقوا ربنا. ما تتاجروش بحرب دينكم.

ما تتاجروش مع ربنا. ما تتاجروش ضد ربنا سبحانه وتعالى. ما ننساش - 00:46:55

الصيام تلتاشر واربعتاشر وخمستاشر ابدأ ان شاء الله حد واتنين وتلات ربنا يعينا يا رب ان شاء الله ما ننساش ان شاء الله ان الايام الجاية ديت يعني في خلال اسبوع يعني الورقة ان شاء الله تنزل بكرة مسلا او قريب من هذا ان شاء الله نلحق ان نطبعها يعني على

قبل الفالنتاين يكون كل حاجة جاهزة - 00:47:15

بازن الله سبحانه وتعالى عشان نقدر ان احنا ننكر هذا المنكر ونحارب هذا المنكر بازن الله سبحانه وتعالى فما ننساش موضوع الورقة ابدأ ومسؤوليتنا عشان قدام ربنا على هذه المنكرات. كلمة احد السلف اني لاري المنكر فلا انكره فابول دما من خشية الله. هقول لربنا

ايه - 00:47:31

ان انا سبت وشفت المنكر وسكت. خلاص يا اخواني في الله. الى هنا وصلنا لنهاية هذه الحلقة. وصلنا لنهاية الفلانتين فيروس ربنا يقضي عليه يا رب. ويقضي على كل فيروس بيهدد هذه الامة يا رب. ويتوب علينا توبة يرضى بها عنا يا رب. اللهم - 00:47:51

اللهم تب علينا. اللهم تب علينا توبة ترضى بها عنا. اللهم انا نتوسل اليك ونستغيث بك ونبتهل اليك. يا رب وعجزنا عن اصلاح انفسنا يا رب. يا رب عجزنا امام شهواتنا يا رب. يا رب اصلحنا. اصلح فساد قلوبنا يا رب. طهر قلوبنا - 00:48:06

يا رب يا رب نستغيث بك شباب امة محمد يضيع يا رب. اللهم انقذ شباب امة محمد وانقذ فتيات امة محمد انقذ رجال ونساء امة محمد. وانقذ اطفال امة محمد. واهد دعاة امة محمد وافتح لهم الابواب يا رب. اللهم اغثنا - 00:48:26

اللهم اغثنا اللهم ان شياطين الانس والجن قد اجتمعوا علينا لاضلالنا فاهدنا يا رب. اجرنا يا رب اغثنا يا رب. اللهم تب علينا توبة ترضى بها عنا. اللهم اجعلنا من جندك المخلصين. اللهم اجعلنا من حوارى الاسلام. اللهم استعملنا لنصرة دينك في الارض - 00:48:46

يا رب اهد على ايدينا القلوب يا رب. يا رب اخرج منا دعاة وداعيات. يا رب اخرج منا دعاة وداعيات. يا رب انصرنا دينك واعز اوليائك برحمتك يا ارحم الراحمين - 00:49:06

اقول قولى هذا واستغفر الله لي ولكم. سبحانك اللهم وبحمدك. اشهد ان لا اله الا انت. استغفرك واتوب اليك. جزاكم الله خيرا - 00:49:22